



Inatsisartunut ilaasortaq Siverth K. Heilmann
Atassut

Royal Arctic Linep kranbiilii pillugit § 37 naapertorlugu apeqquteqaammut 2021-102-mut akissut

24-08-2021
Suliag nr.: 2021 - 14091
ID. nr. 67094878

Asasara Siverth K. Heilman

Inatsisartut suleriaasianni § 37 naapertorlugu Royal Arctic Linep kranbiilii pillugit Naalakkersuisunut apeqquteqaateqarputit. Apeqqutitit uannit akineqartussatut innersuuneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Royal Arctic Line-p qullersaqarfianniit, Nunatsinni umiarsualiveqarfiit piumaffigineqarsimapput, kranbiilersuit Containerinut kivitsissutaasartut, Targanut qaqitsissutigineqalaarsinnaanerit atorunnaarsinneqassasoq, tamanna Naalakkersuisuniit akuersaaginnarniarneqarnerluni?

Akissut: Royal Arctic Line A/S pillugu inatsisartut peqqussutaat nr. 5, 6. juni 1997-imeersumi akuersissutigineqartutut, Royal Arctic Line A/S qilersorsimanani ingerlatseqatigiiffiuvoq.

Royal Arctic Linep kranbiilimi atornissaannut malittarisassai naalakkersuisoqarfiup aalajangiinissamut piginnaatitaaffiisa avataaniipput, taamaakkaluatorli ajornartorsiutaavoq pimoorussassaq.

Naalakkersuisoqarfiup Royal Arctic Line attaveqarfigissagaa kajumissaarpara, containerinullu assartuutit (reachstackeret) assersuutigalugu umiatsianik qaqitsissutigineqaaqqinnginnissaannik aalajangiinerminnut, Royal Arctic Linep tulliuuttu aalajangiisuunerarpaat.

Royal Arctic Line kraninik atuinatik, containerinut assartuutit (reachstackeret) atugaraat. Kraninut sanilliullugu containerinut assartuutit allaanerusumik ilusiligaapput. Containerinut assartuutit immikkut ilusiligaapput containerinik assartuutissanngorlugit, taamaattumillu allanik assartuutigissagaanni killilimmik atorsinnaallutik. Taamaattumik umiatsiat stroppinik aalajangeqqasut containerinik assartuutinik assartussagaanni, containerinillu assartuutit prammunik usilersuutigissagaanni annertuumik navianarsinnaavoq. Taamaattumik suliat taamaattut Royal Arctic Linep sillimmasiisarfiata sillimmasersortikkusunngilai.

Atortut ajoquseratarsinnaanerit, pissusissamisuginnartumik pilersuineramik qulakkeerinninnissamut aamma sunniuteqarpoq. Pilersuineramik qulakkeerinninnissamut annertuumik sunniuteqarsinnaasumik containerinik assartuutitik siunertanut atorneqarsinnaanissaat Royal Arctic Linep akuerissagaluarpassuk, tamanna akuersissutip imm. 3-anut akerliussaaq.

Tamatuma saniatigut Royal Arctic Linep oqaatigaa, inuutissarsiutillit allat suliassamik tassannga suliqarsinnaanerini arsaarinnikkusunnatik. Tamanna akuersissutip imm. 10-anut naapertuuppoq, tassani aalajangersarneqarmat, Royal Arctic Line assingusumik ingerlatsinermini, akuersissutip kingunerisaanik naleqqutinngitsumik allanut unammillernarsinnaasunik ingerlatseqqusaanngilaq.

Apeqqut illoqarfiit ilaanni, kranimik kivitsissuteqannginneq peqqutaalluni, angallat Nuummut kaleqqaarneqartarnissaa avaqqunneqarsinnaanngilaq. Namminersortut akiliillutik pisortat pigisaannut attarsisinnaanerat, politikikkut atuutseqqilernissaa siunertaralugu Naalakkersuisut piumassuseqarnerlutik?

Akissut: Siuliani akissut takuuk.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Naaja H. Nathanielsen

Naaja H. Nathanielsen